

審定風雅

遺音

四明張氏約園開雕

審定風錄

彭音

序

雪汀風雅遺音二卷原爲辨正考亭集傳而作然集傳
叶韻不盡出考亭雪汀亦知之於是旣辨集傳音讀與
釋文異同又辨今集傳音讀非考亭之舊卽舊有者亦
多遭妄人改易此其意不獨爲風雅正音讀且爲考亭
辨誣矣昔班志稱讀應爾雅隋志著僧道騫善讀楚辭
是正讀本學問所有事而風雅效用在諷誦相感則正
讀爲尤要也今此書旣糾正習讀者之訛誤又頗能據
釋文九家之音以正今集傳之違失旣正今集傳之違
失則從來宋元人以叶音讀詩者之違失自亦并在糾
正之列河間紀氏乃謂其於集傳外無所發明所論似
亦未允雪汀本未解古音然其所以及此者正緣依據
陸書乃有自然之合雪汀始意固不及是也惜其成書
忽遽未嘗從容校正今本乃出於紀氏所審定紀氏謂
編錄原書其文有損無益有所潤飾不更其意旨仍史
氏之舊又謂嘗與東原戴氏參酌去取然其旣云潤飾
則於原文自不能有損無益旣有損益卽非復雪汀原
書之舊可決紀氏於學泛覽而無所歸音韻則尤疏審

定此書實亦近似不知而作故乃挾東原以自護今取
雪汀原本對勘其所審定或得或失學者當能辨之然
以此書與今集傳共觀則今集傳之真偽猶賴以有所
稽攷而朱子集傳之舊異日容或可復見於世則雪汀
此書有功於考亭者豈少哉民國二十五年一月後學
張壽鏞序

審定風雅遺書

序

二四明叢書
約園刊本

四庫全書存目

風雅遺音四卷

兩江總督
採進本

國朝史榮撰榮自號雪汀老人鄞縣人其書據朱子孫鑑所作詩傳補遺後序定朱子集傳原有音未備其音多後人所妄加因以集傳與音互相考證得其矛盾之處條分縷析以辨之一曰集傳用舊訓義而無音二曰集傳有異義而不別爲之音三曰音與傳義背四曰古今未有之音五曰聲誤六曰韻誤七曰音誤八曰誤音爲叶九曰誤叶爲音十曰四聲誤讀十一曰泛云四

聲風雅遺音

提要

一四
國朝叢書

約園刊本

聲之誤十二曰邶風注與某同之誤十三曰補音十四曰叶音闕誤十五曰叶音誌略又附錄經文誤字經文疑義京本音切考異釋文叶韻紀原吳棫韻補考異集傳相沿之譌俗書相沿之譌集傳偶考俗音訂誤九門共二十四類其音與義背用舊義而無音異義而不別音三門辨論頗爲精確誤音誤叶補音及俗音訂誤四門亦多可取惟未有之音與四聲誤讀二門所言卽是音誤分目未免太繁至泛云四聲及邶風音與某同二門則有意吹求未爲平允又榮考今音頗詳而古音則

茫無所解故叶音闕誤叶音誌略二門所言往往大謬
吳棫韻補見行於世棻自言未見其書據諸書所引爲
考異尤爲贅疣至於舊音舛謬之處動輒漫罵一字之
失至詆爲全無心肝亦殊乖著書之體蓋考證頗有所
長而蕪雜亦所未免焉

鄧縣志本傳

史榮字漢桓一字雪汀精小學喜讀注疏不肯唯阿先

儒之說熟於十七史及文選

全祖望撰
慕版文

其詩初宗竟陵

後變而爲山谷又變而爲玉川晚年則略似誠齋

蔣性

狷狹與人少可工擘窠書及篆刻貴人踵門以求拒不

答意所愜雖茶寮酒肆索筆揮灑或童子亦爲之雕印

焉

錢志
卒年七十九
墓版文

榮有同聲集所與倡和者張鯤

字象厓童鉉字玉如汪籛臺字彭年柳維新字味莘陶

淑字禮庭范徵獻字可欽范炳字文虎仇啓昆字貞肇

卷之風雅遺音

一四明叢書

約園刊本

諸人

本同
聲集

審定史雪汀風雅遺音序

甲戌夏同年姜君白巖持史雪汀風雅遺音贈予曰雪汀沒後其門人毛氏兄弟所刻也於時匆匆未及觀己卯夏始卒讀之歎其用心精且密夫聲音之道說經之末務也然字音不明則字訓俱舛於聖賢之微言大義或至乖隔而不通所關不可謂細諸史志藝文者必附小學於經類豈無謂與昔陸德明作經典釋文千餘年來學者奉爲蓍蔡此書於集傳以外無所發明固不敢與陸氏齒而因人人習讀之書救正其譌謬以之針砭俗學較易於信從獨惜其不知古音故叶韻之說多舛誤又門目太瑣辨難太激於著書之體亦微乖退食之暇重爲編錄汰繁就簡棄瑕取瑜較之原書似爲完善其文有所損無所益有所潤飾而不更其意旨亦曰此仍史氏之書予無與焉耳於時休寧戴君東原主余家去取之間多資參酌恨白巖遠在象山未獲其一審定也乾隆庚辰二月河間紀昀序

風雅遺音原序

陸氏釋文自漢以來相傳之音讀也詩雖主毛鄭而韓詩內外傳與王肅徐邈沈重諸儒異同之說亦多載之首則兼備九家後來者度不能別爲一讀也朱子作集傳惟不信小序耳其於傳箋及孔疏義訓相仍者殆十之五六豈反置釋文不用哉然而今本所載之音非惟與釋文乖并集傳中語時或背之則非朱子手定明矣顧亭林日知錄謂朱子使其門人爲之吾謂門人親炙有素而又以其師之命何至忽視如此恐亦非也閒於

審定風雅遺音

原序

一四明叢書
約園刊本

朱竹垞經義考見有文公後人朱鑑所作詩傳遺集後序乃知當時本有音而未備然則今之音蓋不知誰何人因其未備妄取世俗譌誤之音竄入其間也又觀邨風註或無音切而汎云與某同及坊刻所引京本則知今音不成於一手又卽朱子舊有者而亦妄改之也流傳數百年世儒咸信爲朱子手定而莫知其誤卽知之亦莫敢言不已誣乎吾自年二十時稍解句讀卽欲私爲訂正疑而未決懷此者五十年今年且七十矣若不一言恐後世終無復有言之者爰自去冬以迄今春於

湖州德清館舍檢釋文及諸字韻書逐一考訂細書於坊本之上端五月閒歸家旣以耳聾不與人相見又病氣喘甚恐遂不久活而吾言莫之曉也復條其所誤之由分類書之其當有音而闕者與兼有他音者補之凡釋文與集傳異義者概不入焉書成總爲一冊名之曰風雅遺音以付兒子臨使謹藏之天下之大後世之久遠終必有信吾言之不妄者乾隆八年五月二十六日雪汀老人書

審定風雅遺音原目錄

集傳用舊訓義而無音

經內有習見字而傳註別解者釋文音切可考非仍讀如字也集傳多采毛鄭舊訓而或遺其音切今各考釋文補之

集傳有異義而不別爲之音

諸經傳註有本某字而云當讀作某者釋文必曰依註音某集傳每有此例而音切無之非也

按此類所列有本係轉聲不煩改字者取與何通之類是也有傳已明言不煩再音者將當作

審定風雅遺音原目錄

四明叢書

相踰當作神之類是也有傳本疑詞未容遠改者下武當作文武之類是也今悉刪削惟存確

當者
二條

音與傳義背

陸氏釋文皆據傳註爲音寧有朱子而自背其說者又寧有弟子而背其師說者然則此經之有音繫誰爲之而莫敢以爲非耶

古今未有之音

陸氏釋文窮經者所不能外也其於諸經傳註之外博采前人音義殆無遺贖故後來字書韻書莫

不本之舍此而更無異讀吾不知其何本矣此類至多今略指其最甚者餘見聲誤韻誤音誤諸條

下

聲誤

韻誤

音誤

按聲誤者此紐之字誤混彼紐也韻誤者此部之字誤混彼部者也音誤者不當有此音而註此音者也然音誤一類與古今未有之音無以別餘亦有分類未確以聲誤入韻誤以韻誤入音誤者今悉合併之三百篇次第編之

審定風雅遺音 原目錄

二 四明叢書 約園刊本

誤音爲叶

誤叶爲音

四聲誤讀

按此亦音誤之甚者無俟另編今刪併

泛云四聲之誤

漢人註書本無音切

按此亦大概言之實則說文孫炎註爾雅已用反切

亦然陸氏釋文或用音或用切亦未有云某上聲某去聲者也後人日就苟簡其相度之相則曰去聲長幼之長則曰上聲若斯之類固已多矣然皆

循其說而可知故讀者不致疑誤今於必當音切者泛曰上聲去聲幾不知何聲之上與去是愈滋人之惑也

按集傳此例本爲一字兼備數聲者言未爲大誤特審音不明於本無別音之字亦註某聲是其陋耳其平仄實不誤不必糾也今惟采平聲仄聲中自有分別而集傳未詳析者錄之

邶風註與某同之誤

凡古之註書者必其字音義皆同而後曰與某同否則曰音與某同或曰與某字義同音別而已此其例然也如衛風淇奧之云音與郁同則可矣但

審定風雅遺音

原目錄

二三四明叢書
約園刊本

以音之合而遂曰與某同非也然惟此一卷有之豈非別出一手而莫之檢定乎

按傳所云與某同者不過音與某同之省文非謂此字卽彼字也但應糾其義例之陋必謂誤合二字爲一字則深文矣其音切誤者悉已分見各類下亦不必重出今刪去

補音

叶音闕誤

叶音誌略

附錄

經文誤字

經文疑義

按此惟辨衛風濟盈不濡軌一句考證亦不甚確今刪去

京本首切考異

今坊本上端有引京本數條不知其書所自其音切迥與今殊而鮮有不合者疑此是朱子舊讀後人不知遵用反誤為今音耳謹錄存之以俟考惜未見全書也

釋文叶韻紀原

按史氏考今韻最詳而古音則茫無所解所言叶音多大謬今於叶音闕誤叶音誌略二門悉

審定風雅遺音

原目錄

四

四明叢書

約園刊本

刪去此所引釋文叶韻不能盡概古音亦並刪之學者欲知古音求之陳氏毛詩古音考顧氏詩本音及近日江氏古韻標準自得其涯淡矣

吳棫韻補考異

按史氏自言未見吳棫書故雜采諸書所引韻補為考異然棫書具在無煩掇拾成篇且其書疏舛龐雜同異殊不足為據今亦刪之

集傳相沿之訛

按說字由於傳刻非集傳本訛不得謂之相沿今改正

俗書相沿之訛

集傳偶考

俗音訂誤

審定風雅遺音

原目錄

五

四明叢書
約原刊本

審定風雅遺音新編目錄

卷上

音與傳義背

按此門原本第三今改爲第一者先即音義相背明音不出於朱子也

集傳用舊訓義而無音

集傳有異義而不別爲之音

音切之誤

誤音爲叶

誤叶爲音

審定風雅遺音 新編目錄

四明叢書

約園刊本

泛云四聲之誤

卷下

補音

京本音切考異

俗音訂誤

按京本音切考異俗音訂誤二門原本皆在附錄今以類附之補音下

附錄

經文誤字

集傳誤字

集傳偶考

俗書相沿之訛

按此書以審音為主故無闕音切者皆入之附錄俗書一門原本在集傳偶考之前以其但辨點畫所係尤微故退次于末

審定風雅遺音 新編目錄

一一

四明叢書 約同刊本

審定風雅遺音卷上

甬上史 榮雪汀撰本

河閒紀 昉曉嵐審定

音與傳義背

小雅伐木篇無酒酤音古我集傳酤買也

釋文酤毛音戶一宿酒也說文同鄭音顧又音沽買也今集傳既用鄭義則酤當音顧或音沽集韻酤字有音古者亦訓一宿酒非買也

又躄躄音存舞我集傳躄躄舞貌

審定風雅遺音 卷上

一四明叢書
約園刊本

釋文躄七句反音逡說文爾雅並作躄從士旁其音同集傳既訓舞貌則躄非躄踞之義安得音存

六月篇織音志文鳥章集傳織幟字同

釋文織音志又尺志反此云音志實本釋文但集傳既云與幟同則是釋文之第二音而不得復音志矣車攻篇助我舉柴音恣集傳柴說文作孽謂積禽也

釋文柴子智反音委積之積又才奇反說文孽音漬前智反是卽說文之才奇反也集傳既引說文不應別作一音況此字亦從無音恣者

節南山篇不宜空我師集傳空窮也

空苦貢反此不音蓋誤以爲如字

正月篇胡爲虺蜴音易集傳蜴蜥也

毛傳蜴蜥也釋文蜴星歷反字又作蜥是蜴字讀與

蜥同集傳既用毛說亦當仍用舊音爲是

戴東原曰蜥易之易無虫旁有虫旁作蜴便音蜥不音易方言有易蜴及脈蜴並音折乃知陸德明

之說得之若爾雅則易蜴二字通爲一矣

又天天音腰是椽集傳天禍也

天本於兆反又於遙反集傳既訓爲禍則於兆反是

審定風雅遺音 卷上

四明叢書 約園刊本

也

雨無正篇舍音赦彼有罪集傳舍置也

釋文舍一音捨集傳既訓爲置安得音赦

巧言篇僭音譖始既涵集傳僭始不信之端也

毛傳僭數也鄭箋僭不信也釋文云僭毛側蔭反鄭

子念反集傳既依鄭訓爲不信自當讀從本音况大

雅瞻卬篇譖始竟背柔柔篇朋友已譖彼註俱依鄭

氏訓不信而音僭寧有此詩本是僭字而反云音譖

乎

大雅皇矣篇柞棫斯拔

音佩

松柏斯兌

徒外反

〔集傳〕拔兌見

縣篇此亦言其山林之間道路通也

縣篇兌字釋文本有吐外徒外二讀此徒外反亦本
釋文未爲不是但集傳之意實主吐外反玩前後兩
篇註說甚明乃於縣篇則云吐外反於此又云徒外
反非惟不合朱子豈不自相矛盾乎

又克順克比

音比

〔集傳〕比上下相親也

比字釋文本音必里反此云音七是也然集傳訓比
爲上下相親則當爲毗志反不得音七也左傳昭公
二十八年引此詩以爲九德而解之此章註所云教
誨不倦三者皆其本支也其云擇善而從之曰比杜
註謂比方善事使相從也是比亦讀如字故釋文無
音切今集傳不用其擇善而從之說而改云上下相
親明是相親比可知矣乃猶得云音七乎

卷阿篇伴

音判

奐

音奐

爾游矣〔集傳〕伴奐閒暇之意

註疏伴奐毛以爲廣大有文章鄭以爲自縱弛之意
是毛讀伴爲畔奐爲喚鄭則讀爲判換釋文分說甚
明今集傳云閒暇之意固猶鄭氏所云自縱弛也乃

伴字音判既從鄭義奐字音喚又溷毛音不亦兩失之乎

桑柔篇靡所止疑屹音集傳疑讀如儀禮疑立之疑定也言居無所定

此詩釋文疑魚陟反若儀禮士昏禮鄉飲酒禮鄉射禮諸篇所云疑立釋文並魚乙反皆不音屹此字亦本無音屹者況朱子明取儀禮之音而妄以屹音當之乎

集傳用舊訓義而無音

審定風雅遺音 卷上

四四明敎書 約圖刊本

唐風山有樞篇山有樞集傳樞莖也今刺榆也

毛傳云樞莖也孔疏云樞莖釋木文今本爾雅從草作蔀郭璞

云今之刺榆也釋文云樞本或作蔀烏侯反是樞與

蔀通當音毆

豳風七月篇八月剝棗集傳剝擊也

鄭箋剝擊也釋文云剝普卜反是剝音撲與撲通

小雅天保篇如月之恆集傳恆弦也月上弦而就盈毛

傳云恆弦也鄭箋云月上弦而就盈釋文云恆本亦作恆同古鄧反沈古恆反弦也是恆字通作繩兼平

去二音

采薇篇彼爾維何集傳爾華盛貌

此亦舊訓也釋文云爾乃禮反說文作藹其音同是爾與爾通不當復讀如字

車攻篇東有甫草集傳甫草甫田也後爲鄭地

毛傳甫大也田者大芟草以爲防或舍其中鄭箋甫草者甫田之草鄭有圃田釋文甫如字鄭音圃謂圃

田鄭藪也今朱子全主鄭說宜從鄭音後漢書馬融傳詩詠圃草

值作圃字註指爲韓詩

齊定風雅遺音

卷上

五

四明叢書
約圃刊本

無羊篇矜矜兢兢集傳矜矜兢兢堅強也

此亦毛傳舊訓釋文兢兢其冰反

頍弁篇實維何期集傳何期猶伊何也

鄭氏云何期猶伊何也釋文云期本亦作其音基是此句正與魏風園有桃篇子曰何其小雅庭燎篇夜如何其語意同宜讀爲基

車鞅篇德音來括集傳括會也

括當讀爲佻毛傳括會也釋文括本又作佻音活徐古闕反今朱子既仍毛傳訓義則括當讀爲佻而音

活若徐邈之古閣反則義當訓至矣非也

都人士篇彼君子女謂之尹吉集傳尹吉未詳鄭氏曰吉讀爲姑尹氏姑氏周之昏姻舊姓也

釋文吉毛如字鄭讀爲姑其吉反又其乙反今集傳用鄭說不得復讀如字

隰桑篇其葉有幽集傳幽黑也

毛傳幽黑色也釋文幽於糾反

大雅鳧鷖篇福祿來爲集傳爲猶助也

釋文爲于僞反助也

齊定風雅遺音

卷上

六

西明藏書
約園刊本

民勞篇柔遠能邇集傳能順習也

鄭氏云能猶仰也順仰其近者釋文云能毛如字鄭

奴代反今集傳訓能爲順習卽鄭順如之意不當復

作如字讀

桑柔篇倉兗填兮集傳填未詳舊說與陳塵同蓋言久

也或疑與癘字同爲病之義但召旻篇內二字並出又

恐未然今姑闕之

毛傳填久也鄭箋喪亡之道滋久長釋文填音塵流

云釋言云烝塵也孫炎曰烝物久之塵則塵爲久義

古者塵填字同故填得爲久集傳雖二說並存然瞻
卬召晏二篇並訓填爲久知此亦以前說爲長宜讀
塵音

雲漢篇我心憚暑集傳憚勞也畏也

毛傳訓憚爲勞則音丁佐反鄭訓爲畏則讀如字釋
文甚明今集傳並列兩義則亦當使二音並存

崧高篇往近王舅集傳近辭也

毛傳近已也鄭箋近辭也聲如彼記之子之記釋文
近音記孔疏毛以爲往去已此王之舊也近得爲已

審定風雅遺音

卷上

七

四明叢書

約圖刊本

其聲相近故箋申之云如彼記之記也毛傳已也之
已音與記同皆語辭今集傳明用鄭氏辭也之訓宜
作記音

韓奕篇淑旂綏章集傳綏章染鳥羽或旄牛尾爲之注
於旂竿之首爲表章者也

毛傳綏大綏也鄭箋綏所引以登車有章采也釋文
綏本亦作綏毛如誰反鄭音雖集傳正用毛說當音
如誰反不當讀雖

瞻卬篇孔填不寧集傳填久也

召夏篇孔頊不寧集傳頊久也

此上二條俱當音頊爲麀說見小雅桑柔篇

周頌訪落篇於乎悠哉朕未有艾集傳艾如夜未艾之艾言其道遠矣子不能及也

小雅庭燎篇集傳訓艾爲盡是本作刈音

桓篇皇以閒之集傳閒字之義未詳傳曰閒代也言君天下以代商也

閒古莧反音澗

集傳有異義而不別爲之音

齊定風雅遺書

卷上

八

四明叢書
約園刊本

大雅下武篇應侯順德集傳應如不應後志之應

應本如字音鷹今依註當音鷹不應後志虞書益稷篇文也

周頌天作篇彼徂矣岐集傳咀險咀之意也

徂本如字往也註疏並無他說今集傳直改徂爲咀沈存中筆談藝文篇云書之闕誤有可見於他書者如詩彼徂矣岐有夷之行後漢書朱浮傳作彼咀者岐有夷之行又王伯厚玉海有詩攷一卷其序云朱文公集傳彼咀者岐從韓詩然韓詩今不傳而後漢

書朱浮傳又並無是語不知沈說何據今人更指爲後漢書西南夷傳考彼傳本是徂字註亦訓往不作岨也惟韓昌黎岐山操作彼岨者岐是徂或作岨其來已久故集傳因承舊說偶未註明徂當作岨耳今既遵集傳宜作阻音

戴東原曰後漢書西南夷傳朱輔上疏稱詩云彼岨者岐有夷之行傳曰岐道雖僻而人不遠註引韓詩薛君傳曰徂往也夷易也行道也岐道阻險而人不難沈括所引卽此疏特誤朱輔爲朱浮誤疏爲傳又誤徂爲岨耳輔所稱傳曰蓋韓詩薛君治韓詩者而訓徂爲往則韓詩不作岨字陸德明經典釋文博采眾本亦不云徂一作岨知此字之譌蓋在宋時故沈括云云而朱子亦因之相沿既

定風雅遺書

卷上

九四明叢書

約園刊本

久不可復正然其誤不可不知

音切之誤

周南關雎篇關關雎音鳩

雖疽並七余反論語關雎之亂孟子癰疽朱子集註皆云七余反可見當時本無誤讀然詩國風如只且揚且狂且椒聊且等文與二雅中且字之爲子余反者莫不音疽則其於疽字竟誤認爲子余反雖徂二字必不讀爲七余反矣朱子寧有是耶

卷耳篇我姑酌彼兕音觥

兜徐履反不音似似詳里反

又陟彼岵音道矣

說見闕睢篇

樛木篇葛藟音雷之

纍力追反音縲在支韻雷乃灰韻

桃夭篇有蕢音文其實

蕢扶云反音墳文無分反音聞

漢廣篇言刈其藁音閭

藁力俱反音懷在虞韻閭乃魚韻

審定風雅遺音 卷上

十四明齋書

約園刊本

麟之趾篇于音吁嗟麟兮

于嗟歎辭古未有音于爲吁者不獨釋文爲然凡經

中于嗟字皆倣此洪武正韻始誤音吁

召南草蟲篇憂心忡忡音充

忡勅中反充昌中反

又我心則降音杭

降戶江反音項平聲在江韻杭乃陽韻

又憂心惓惓音抽

惓張劣反當音輟拙職悅反

甘棠篇召伯所憩音器

憩起例反在霽韻器乃寘韻

羔羊篇委音威蛇音移委蛇

委於危反音透在支韻威乃微韻

又素絲五總音宗

總子公反不音宗總東韻宗乃冬韻

小星篇寔與實同命不同

寔時職反寔者是也與實字音義俱別

野有死麕篇舒而脫脫音兒兮

審定風雅遺音 卷上

十二四明叢書

約園刊本

釋文脫吐外反此音兒不知所本或本首蛻而傳刻

者誤失虫旁

騶虞篇壹發五豸音宗

縱亦子公反不音宗

邶風柏舟篇不可以茹音孺

茹本如預反又如庶反並在御韻孺乃遇韻

又覲音垢閔既多

覲古豆反與邁通音構垢字音苟此誤以上聲之音

為去聲

擊鼓篇憂心有忡音充

誤與草蟲篇同

凱風篇與演同睨黃鳥

睨胡顯反音峴演以淺反音衍二音相去遠甚

雄雉篇泄泄與異同其羽

泄移世反音曳在霽韻異乃真韻

又不伎與至同不求

伎之豉反音寘不音至廣韻寘至各為一韻今亦同

韻而異紐

智定風雅遺音 卷上

十一四明叢書 約園刊本

匏有苦葉篇淺則揭與器同

揭苦例反音頽在霽韻器乃寘韻

又招招音韶舟子

釋文招如字此音韶不知所本

谷風篇其甘如薺音此

薺齊禮反此乃紙韻千里反與薺韻部分各別

又匍匐蒲卜反救之

匐本蒲北反在陌韻蒲卜切是屋韻字

又有洸有潰音繪

潰胡對反在隊韻繪乃泰韻

又既詒我肄音異

肄以世反與勸通並不音異此亦齊真二韻相溷者

簡兮篇碩人僕僕音語

僕五矩反在慶韻與語韻部分各別

泉水篇飲餞于禰音你

禰乃禮反音彌在薺韻你乃里反在紙韻

北風篇既亟只且音疽

且本于余反音疽誤

齊定風雅音卷上

十三四明叢書
約園刊本

靜女篇貽我彤管音同管

彤徒冬反音佟在冬韻同乃東韻

鄘風君子偕老篇委委音威佻佻

誤與召南羊篇同

又揚且音疽之誓也

誤與邶風北風篇同

定之方中篇升彼虛音嶁矣

虛本古丘墟字起居反在魚韻嶁乃虞韻

干旄篇子子音結干旄

字居熱反又居列反音揭舊在薛韻今與結同在屑韻而異紐

又素絲紕

音之

紕皮至反音備舊在至韻今與避同在寘韻而異紐

載馳篇眾穉

音且狂

穉與稚同直吏反在寘韻彘乃霽韻

衛風淇奧篇綠竹青青

音精

青子丁反音菁在青韻精乃庚韻

又會怪弁如星

寶定風雅遺音 卷上

十四國明叢書

約園刊本

會古外反音檜在泰韻怪乃卦韻

碩人篇衣錦褻衣

音衣

褻苦迴反音絅鄭風丰篇衣錦褻衣註褻絅同是也未有音頰者頰本古迴反小雅無將大車篇不出于頰註云頰音耿是也

氓篇乘彼坵

音垣

坵俱毀反音詭在紙韻鬼乃尾韻

竹竿篇籊籊

音竹竿

籊本他歷反音剔惟廣韻有徒歷反

王風君子于役篇曷其有佻

音括叶戶劣反

佻本戶括反音活此叶戶劣反卽戶括之轉也不知何故音括

君子陽陽篇其樂只音且音止音疽

只諸氏反音紙今經文只字不下數十並是此音不知何故獨於此音止止字諸市反與紙音別且字誤與邶風北風篇同

中谷有蓷篇有女叱音離

叱匹婢反音叱痞部鄙反音圮

審定風雅遺音卷上

十五 四明叢書

約園刊本

鄭風大叔于田篇抑磬音慶控忌

磬苦定反在徑韻慶乃敬韻

清人篇駟介旁音崩

旁補彭反音祊在庚韻崩乃蒸韻

山有扶蘇篇乃見狂且音疽

褻裳篇狂童之狂也且音疽

誤並與邶風北風篇同

丰篇子之丰音風兮

丰芳凶反音峯在冬韻風乃東韻

溱洧篇士曰旣且音疽

誤與邶風北風篇同

齊風還篇遭我乎音鏡狔之閒兮

狔奴刀反音狔在豪韻鏡是肴韻

著篇俟我于著音字叶乎而

釋文著直居反又直據反又云協韻當直據反未有

音字者字音直呂反本上聲孔疏以爲著與字音

義同蓋二字義同而音亦相近耳非字字可讀去聲

也

審定風雅遺音

卷上

十六四明叢書

約園刊本

按未定四聲以前凡相近之音皆可通用周顛沈約以後雖別四聲而古音之存者未盡廢學者隨意取讀不能盡一故齊梁以迄唐初往往一字而數音如葦字謝瞻讀平聲縮字沈約讀去聲是也其後切韻盛行乃歸一轍孔疏所云著字音義同者蓋當時著字有上聲一讀或字字有去聲一讀耳言各有當不必爲之同護但云今無此音可矣

南山篇南山崔崔音推

卷耳詩崔嵬字亦徂回反此云音推未爲不是然釋

文於此音子雖反又音佳則是從來相傳之讀亦必

有故矣恐音推者誤

按釋文此二音亦舊讀之未盡一者

敝笱篇其魚魴鰈音開

鰈古頽反不音關二字舊不同韻今亦同韻異紐

載車篇垂轡瀾瀾音你

瀾乃禮反音瀾在薺韻你乃紙韻

又行人彭彭音邦

彭必旁反在陽韻邦乃江韻

猗嗟篇終日射音石侯

射本食亦反不音石

魏風汾沮洳篇彼汾沮洳音孺

審定風雅遺音 卷上

洳如預反音茹在御韻孺乃遇韻

十畝之間篇桑者泄泄音異兮

誤與邶風雄雉篇同

唐風椒聊篇椒聊且音痘遠條且

誤與邶風北風篇同

杕杜篇其葉菁菁音精

菁子零反在青韻精乃庚韻

羔裘篇羔裘豹祛音軀

祛起居反音祛在魚韻軀乃虞韻

秦風渭陽篇瓊瑰音媯玉佩

瓊古回反在灰韻媯乃支韻

陳風宛丘篇子之湯湯音湯兮棄傳湯蕩也

毛傳云湯蕩也釋文湯他郎反舊他浪反是湯雖訓蕩而不音蕩他書中亦未有音蕩者蕩本徒黨反

東門之枌篇東門之枌音文

枌符云反音汾此與周南桃夭篇音蕢爲文誤同

又越以礪音遘宗遘

礪子公反在東韻宗乃冬韻

卷上

十一

四明叢書

防有鵲巢篇邛音窮有旨苕

邛其恭反當音筇在冬韻窮乃東韻

月出篇舒天紹音邵兮

紹如字此字本無去聲

曹風候人篇不遂其媯音垢

媯古豆反音邁垢音苟此與邶風柏舟篇靚音垢誤

同

豳風七月篇七月鳴鴉音決

鴉工覓反音如春秋溟梁之溟是錫韻字未有音鴉

決者決在屑韻與此遠甚孟子南蠻駮舌之人集註
駮亦作駮古役反則朱子本音古役反可知

又言私其縱音宗

誤與召南騶虞篇同

鴟鴞篇子維音曉音

曉呼堯反音曉許矯反音楊

東山篇町音暉鹿場

町他頂反此云音廷或挺字之誤

又熠音熠宵行

審定風雅遺音 卷上

十九 四明叢書

約園刊本

熠以執反在緝韻翊與職反在職韻下文熠熠其羽

同

又有敦音堆瓜苦

毛傳敦猶專專也鄭箋此又言婦人思其君子之居
處專專如瓜之繫綴焉釋文敦徒丹反專徒端反孔
疏敦是瓜之繫蔓之貌故轉爲專是此敦字本不音
推而集傳又無別訓是用毛鄭舊義可知何以不作
徒丹反也

九罭篇九罭之魚鱒音鱒

鱒音

釋文鱒才損反又音撰他書亦並無音尊者

小雅四牡篇周道倭音遲

威音遲

倭於危反音透在支韻威乃微韻

伐木篇釀音師酒有莢

醴所宜反音徒不音師師字疏夷反

天保篇吉蠲音娟爲饈

蠲古懸反音涓未有音娟者娟本於緣反惟正韻娟

字有涓音於古未之見也

采薇篇象弭音米魚服

審定風雅遺音 卷上

千四明叢書

約園刊本

弭彌氏反音彌上聲在紙韻米乃齊韻

出車篇于彼郊音高矣

郊古肴反在肴韻高古勞反在豪韻

又憂心忡忡音充

誤與召南草蟲篇同

又我心則降音抗

誤與召南草蟲篇同

南有嘉魚篇烝然罩罩音笊

罩張教反音爪去聲未有音笊者笊音爪今笊箇字

見唐書安祿山傳此誤以上聲爲去聲

又甘瓠

音雷之

誤與周南樛木篇同

蓼蕭篇零露漙漙

音壤

漢釋文如羊反又乃剛反此云音壤或壤字傳刻之

譌

又零露泥泥

音你

泥乃禮反音禰在齊韻你乃紙韻誤與邶風泉水篇

禰字同

卷上

二

四明叢書

約園刊本

菁菁者莪篇菁菁者莪

音精

誤與唐風杕杜篇同

六月篇玁狁匪茹

音肅

誤與邶風柏舟篇同

又四牡既佶

音吉

佶其乙反又其吉反未有音吉者

采芑篇路車有奭

音臍

奭許力反音施在職韻臍在質韻瞻彼洛矣篇韎韐

有奭註音施與此自相矛盾

又八鸞瑒音倉

瑒七羊反無音倉者惟訓玉色者乃音倉

吉日篇麇鹿麇音語

麇恩甫反音候麇語各爲韻此誤與邶風簡兮篇候

字同

又殪音意此大兕

殪於計反在霽韻意乃真韻

沔水篇沔音免彼流水

沔彌充反當音緬不音免

音上譜定風雅連音

玉四明鼓書

祈父篇靡所底音抵止集傳底至也

底之履反音指此音抵誤

我行其野篇蔽芾其樛音樛

樛勅居反音慮在魚韻豳風七月篇采茶薪樛註云

勅書反是也樛昌朱反乃虞韻字

又言采其遂

遂勅六反音蓄惟廣韻音遂

斯干篇采芾音沸斯皇

芾與鞞同音弗今音沸誤

又惟虺音惟蛇

虺虛鬼反在尾韻毀乃紙韻

正月篇胡爲虺音蝮

誤與斯干篇同

又音可矣富人集傳音哥可也

哥哥我反義雖訓可從未有音可者況孟子引此詩

朱子集註亦音工可反

十月之交篇蹶音維趣馬

蹶俱衛反音劇在霽韻愧乃寘韻

音定風雅遺音 卷上

玉 四明叢書 約園刊本

雨無正篇莫知我勦音異

勦夷世反在霽韻異亦寘韻

又音可矣能言集傳音哥可也

誤與正月篇同

小旻篇伊于胡底音抵集傳底至也

誤與祈父篇同

小宛篇題音弟彼脊令

題大計反當音弟

又惴惴音小心

惴之瑞反在寘韻贅乃霽韻

小弁篇萑葦淠淠音

音

淠匹計反在霽韻譬乃寘韻匹致反

又維足伎伎音

音

伎通作歧其宜反在支韻祈乃微韻

又涕既隕音

音

隕本于敏反音殞此云音蘊實仍釋文之舊但此字不得有蘊音而釋文於凡隕字亦都未有音蘊者蓋必傳刻之訛也當仍用于敏反爲是

審定風雅遺音

卷上

三

四明叢書

約園刊本

按此亦舊韻之未盡一者

巧言篇曰父母且音集傳且語辭

釋文且七餘反音疽是協韻蓋鄭氏本讀且爲七也反耳今集傳既明云語辭則當用子餘反不當音疽總由疽字誤讀也

又亂庶遄音

音

遄市專反椽直緣反聲音全別

又躍躍音

音

躍他歷反音笛誤魏士咸反音讒在咸韻殘乃寒韻

又爾居徒幾音何紀

幾居豈反音幾在尾韻紀乃紙韻

蓼莪篇拊我畜音旭我

畜許六反在屋韻旭乃沃韻

大東篇契契音器寤歎

契苦計反在霽韻器乃寘韻

北山篇王事傍傍音崩

傍布彭反音祊在庚韻崩乃蒸韻

楚茨篇祝祭于祊音崩

審定風雅遺音 卷上

玉 四明叢書

約園刊本

祊補彭反在庚韻不當音崩誤與上同

又執爨踏踏音積叶七略反

踏七夕反不音積叶七略反亦誤說見誤音爲叶類

又我孔煖音善矣

煖而善反又呼但反云音善誤今坊刻亦有云京本作而善反者然則此經音讀之非舊卽此可見矣

又樂具入奏音族

商頌烈祖篇饗假無言集傳云饗中庸作奏古聲奏族相近族聲轉平而爲一耳然此不過古聲相近不

可直云奏音族漢書嚴安傳調五聲使有節族註云
族音奏節止也奏進也若此之類固多有之要皆族
音奏未聞奏之音族也

按奏族二字古音相同此本可以不辨然古字通用其例有二一爲假借之字字雖異而音不變尙之爲上粵之爲日是也一爲互轉之音義不變而音少移何之爲瑕我之爲印是也然皆雙聲轉變隨口相通要不得音瑕爲何音印爲我奏之爲族蓋亦此類未可定爲當音族且集傳註爲叶音皆古音註音某者皆今音亦未可忽雜古音自亂其例史氏此辨不爲無理故已刪而仍存之

桑扈篇萬邦之屏音丙

屏卑郢反音餅不音丙屏舊在靜韻今與丙同在梗

審是風雅遺音 卷上

天 四明叢書 約圖刊本

韻而異紐

又不戢音緝不那

戢莊立反緝七入反

又兕觥其觥音求

觥音蚪不音求

頰弁篇無幾音己相見

誤與巧言篇同

賓之初筵篇威儀忸忸音彌

忸毗必反音邨不音彌

采菽篇其旂溟溟音

溟匹弊反又普蓋反又匹計反不音譬

又樂只音君子止

誤與王風君子陽陽篇同

角弓篇綽綽有裕預與二音

裕羊樹反音喻在遇韻不音預預是御韻云音與更

誤以叶爲音

又交相爲瘡同上

瘡羊朱反音俞云音同上誤甚此字又有羊主反亦

楚定風雅遺音卷上

三五四明藏書

約園刊本

非音與

又見覲音曰消現

覲乃見反不音現

又式居婁音驕慮

婁通作屢力住反在遇韻慮乃御韻

菴柳篇不尙愒音焉器

愒欺例反音憩又丘麗反音契竝在霽韻器乃寘韻

又無自瘵音焉債

瘵側界反音左傳祭仲之祭不音債

都人士篇我心苑音韞結集傳苑屈也積也

釋文苑音於勿反屈也積也又音鬱又於阮反並無韞音唯禮運事大積焉而不苑釋文音苑爲於粉反訓爲積或卽此註音韞所本然但可訓積非屈字之義矣

白華篇有扁音辯斯石集傳扁卑貌

扁必顯反又必淺反此云音辯不知所本扁字音辯固有之非此之謂也

莒之華篇其葉青青音精

齊定風雅遺音卷上

氏四明叢書約圖刊本

誤與衛風淇奥篇同

大雅文王篇王之盡音盡臣

盡才刃反本去聲字盡字乃上聲

緜篇自土沮音追漆

沮七余反周頌潛篇猗與漆沮明註爲七余反此云音疽雖不誤然其實讀沮爲子余反則仍誤也

又爰契音器我龜

誤與小雅大東篇同

又肆不殄音佃厥愠

殄徒典反音延未有音佃者佃本音田又音電

又亦不隕音尹厥問

隕羽敏反不音尹

又維其喙音諱矣

喙許穢反不音諱喙在泰韻諱乃未韻

又支王蹶音媿厥生

誤與小雅十月之交篇同

又予曰有奔奏音走

奏如字本有作走字者亦音奏未有音奏爲走者

審定風雅遺音 卷上

三五四明叢書

約園刊本

按古人用韻橫有五音之分而縱無四聲之別平上去入皆得相通顏師古註漢書謂之合韻陸德明經典釋文謂之協韻惟以相近取聲奏古音走蓋卽此例史氏疏于古音故不知奏可讀走然所考乃今音非古音則謂奏不音走未嘗不是蓋周顛沈約以後四聲之界判然有不能以古音律今者

棫樸篇溟音譬彼溟舟

溟匹世反音暝在霽韻譬乃寘韻

皇矣篇作之屏音丙之

誤與小雅桑扈篇同

又其蓄其翳音意

翳於計反音殪在霽韻意乃寘韻

又其槩音厥其柘

槩於簞反音覽未有音厥者

又申音貫夷載路

申古患反音慣不音貫

又王如字去聲此大邦

王又去聲此脫一又字

又以按音遐徂旅集傳按遐也

釋文云按安旦反本又作遐安葛反是按一作遐並

審定風雅遺音 卷上

三四明儀書

約園刊本

不音遐況集傳但云按遐也亦未嘗云當讀遐

又四方以無拂叶分律反集傳拂戾也

拂符弗反凡拂戾字莫不皆然此註無正音而云叶

分律反是本誤讀爲弗也

又白鳥音鷺鷺鷥

鷺字孟子引作鶴以二字本亦可通然鷺戶角反在

覺韻鶴乃藥韻又鷺有戶沃反亦是沃韻

按東冬鍾江陽唐庚耕清青蒸登十二韻皆收穿鼻聲故古音以收聲相通李登聲類所謂宮商角徵羽各爲一篇者卽此類也覺是江之入聲藥鐸是陽唐之入聲沃是冬之入聲故鷺鶴二字得以

互音然究之非今音
也不得執古音駁之

生民篇瓜瓞嗶嗶音

奉本布孔反又薄孔反蚌音步項反

又維柜維音

稭普鄙反不音痞此與王風中谷有蕓篇誤同

又取羝音以韋

羝之音底實本釋文然易經爾雅諸書凡羝字竝丁

奚反音低而釋文於此獨用都禮反者蓋釋文原本

是羝字故云羝都禮反牡羊也字亦作羝可見因羝

晉定風雅遺音 卷上

三四明載書

約圖刊本

字遂爲此音耳且旣云字亦作羝則羝字自有本音

亦明矣註疏所載誤去其羝字改爲羝都禮反而又

云字亦作羝此遂置云羝音底誤甚

行葦篇醯音以薦

醯他感反音貪上聲

又嘉穀脾臄音

臄其略反音矇在藥韻劇其逆反在陌韻

又或歌或罨音

罨五各反音謬在藥韻岳五角反在覺韻

既醉篇令終有俶尺六反

俶本尺叔反說文用尺六反

又永錫祚胤音胤

胤以晉反音寅去聲在震韻孕以證反在徑韻

按廣韻四十六徑爲青去聲四十七證四十八證爲蒸登去聲平聲青註獨用蒸登註同用則證噫可合而徑證噫必不可合陰氏韻府羣玉誤合爲一至今因之非也胤字本在證韻此云徑韻蓋據

今俗本言之

鳧鷖篇鳧鷖音鷖在涇

鷖烏雞反在齊韻鷖乃支韻

音定風雅通音卷上

三四朔鐵書約國刊本

假樂篇假音嘉樂君子集傳嘉美也

集傳因中庸引此詩作嘉故直云嘉美也然本文句

下當云依中庸讀作嘉爲是又疑集傳亦有脫誤

河酌篇民之攸暨音戲

暨本許既反在未韻戲乃寘韻但他處多有作許器

反者故得音戲然終未當也

卷阿篇翾翾音諱其羽

翾許會反在泰韻諱乃未韻

民勞篇無縱詭音隨

詭俱毀反音境在紙韻鬼乃尾韻

又汜可小悒

音器

悒去例反卽憩本字在霽韻器乃寘韻

又俾民憂泄

音異

誤與邶風雄雉篇同

板篇天之方蹶

音媿

誤與小雅十月之交篇同

又無然泄泄

音異

誤與邶風雄雉篇同

審定風雅遺音 卷上

三

四明叢書

約園刊本

又聽我聳聳

音臬

聳本音敖他處亦有兼音枵者然皆無臬音臬字堅

堯反音澆

蕩篇彊禦多愆

音隊

愆本直類反音墜孟子以愆父母朱子集註亦云直類反唯集韻有徒對反今無人不讀爲隊其實非也

又天不湏

音免

爾以酒

湏面善反又莫顯反音緬不音免此與小雅沔水篇

誤同

抑篇矧可射音思

射羊益反音亦在陌韻弋乃職韻

桑柔篇具贅音揣卒荒

贅之芮反又拙歲反皆在霽韻揣乃真韻小雅小宛

篇揣字音贅誤與此同

崧高篇式崧音椽其行

誤與小雅巧言篇同

韓奕篇邊豆有且音疽集傳且多貌

釋文且子餘反又七紱反愚謂此當以七紱反為是

音上書定風雅遺音

四明叢書

約園刊本

云音疽更誤

又蹶音媿父之子

誤與小雅十月之交篇同

又麇鹿麇音語

麇愚甫反音俱本麇韻非語韻

瞻卬篇士民其瘵音偵

誤與小雅菀柳篇同

周頌臣工篇來咨來茹音濡

誤與邶風柏舟篇同

離篇既右

又音

烈考亦右父母集傳右尊也

右字我將時邁兩篇凡再見集傳並訓爲尊而不音又此獨音又何也

載芟篇有實其積

音積

積子賜反漬疾智反

良耜篇有球

音球

其角

球其樛反音蚪求渠尤反

絲衣篇兕觥其觶

音觶

誤與小雅桑扈篇同

審定風雅書卷上

三五四明叢書

約園刊本

又不吳音不敖集傳吳譁也又能謹其威儀不諠譁不怠傲

傳云吳譁也箋云不謹譁不敖慢也疏云人自娛樂必謹譁爲聲故以娛爲譁也定本娛作吳釋文吳舊如字說文作吳吳大言也何承天云吳字誤當從口下大故魚之大口者名吳胡化反此音恐驚俗也音話是吳字毛鄭皆訓爲譁而音則如字又與娛通未有音胡化反者釋文引何承天之說而云此音恐驚俗是不用其說可知故自說文玉篇以至廣韻集韻

韻會諸書吳字皆無胡化反且釋文此條本多脫誤
顛倒釋文作吳而云作吳今私爲改正其音話二字
當在胡化反之下而闕一又字話是戶快反與胡化
反各在一韻總而言之何承天之說因說文吳訓大
言之故而非謂此詩釋文引說文而并載之亦謂吳
字音胡化反而非此詩吳字之音集傳不言吳當作
吳則又必無讀胡化反之理況音話乎

桓篇屢

音慮豐年

屢力住反在遇韻慮乃御韻

寶定風雅遺音 卷上

吳四明叢書 約圖刊本

般篇墮

音情山喬嶽

墮上果反又同果反不當音情情字經典釋文皆徒
臥反惟說文用上聲

魯頌駟篇

以車祛祛音區

祛起居反在魚韻區乃虞韻又字本從示作祛今本
多誤從衣

泮水篇

其旂筏筏音旆

筏蒲害反又音貝反旆音貝反

又不吳

音話不揚集傳不吳不揚肅也

疏云毛以爲此多士之德不爲過誤不有損傷鄭讀不吳爲不娛不娛爲不謹譁不揚爲不揚聲釋文吳鄭如字讀也又王音誤作吳音話同是毛雖讀吳爲誤而鄭仍如字集傳用鄭義必不與鄭異讀也此條釋文亦必有顛倒脫誤者當是鄭如字王音誤或作吳胡化反又音話同苦無他本可證總之此字不得有胡化反與話音也

又翩彼飛鴉

音臬

鴉于嬌反竝未有音臬者

竇定風雅遺書 卷上

三七四明藏書

約園刊本

閔宮篇

毛魚裁

音恣羹

裁側吏反音刺不音恣恣是資四反音資去聲

商頌烈祖篇

約軹音錯衡

軹從車旁氏今作軹誤音祈支反在支韻祈乃微韻

玄鳥篇

百祿是何

音荷叶如字

長發篇

何音賀天之休

何河可反又音河荷字亦祇此二音註殆誤以荷爲去聲故於長發篇復註音資

又爲下國駿厖

音忙

靡莫邦反在江韻忙是陽韻

誤音爲叶

邶風谷風篇不宜有怒

叶暖五反

怒本上聲暖五反柏舟篇逢彼之怒釋文云怒乃古

反協韻乃路反可見怒讀去聲乃是叶也

北門篇王事敦叶都同反我集傳敦猶投擲也

毛傳云敦厚也鄭箋云敦猶投擲也釋文敦毛如字

鄭都同反朱子旣明用鄭說是敦字之讀都同反無

疑不應反以爲叶

卷上
鄭風淇奥篇終不可謔

衛風淇奥篇終不可謔

音喧叶

兮

釋文謔況元反又況遠反是此所叶者卽其第二音

也不得謂之叶

鄭風緇衣篇適子之館

叶古反兮

釋文館古玩反音貫

按箱篇館古緩切說文客舍也又古玩切是館字本兼上去二音廣韻亦兩韻並收

又敞予又改造

叶在早反兮

造本在早反未有讀作去聲者

遵大路篇無我醜

音醜叶

兮集傳醜與醜同欲其不以

己爲醜而棄之也

釋文醜市由反或云鄭音爲醜今云音讎卽其市由反也齒九反卽醜音也朱子明云與醜同則安得以齒九反爲叶而音讎耶

東門之墠篇東門之墠

音善叶上演反

墠善二字竝上演反此蓋誤讀善爲去聲

齊風東方未明篇折柳樊圃

叶博古反

圃本又音布幽風七月篇九月築場圃明音爲布

秦風小戎篇陰駟鋈續

叶辭屢反又如字

審定風雅遺書

卷上

五十四册

約園刊本

釋文續如字又辭屢反

陳風墓門篇歌以訊

叶息悴反之

釋文訊音信又息悴反小雅兩無正篇莫肯用訊釋

文與此同又音碎

戴東原曰詳告訊問聲義絕遠凡詩中訊字乃詳之訛蓋卒或書爲卒隨轉爲耳耳王逸註離騷引此詩作歌以詳之則知漢時猶未訛釋文曰本又作詳是也此論尙未及辨正

幽風七月篇以介眉壽

叶苑酉反

壽本上聲殖酉反

小雅南山有臺篇遐不眉壽

叶直酉反

此與上同云直酉反更誤

按顏師古匡謬正俗壽字本兼上去二音作叶殖酉反固誤云本上聲亦未盡

車攻篇舍矢如破叶音過反

破本普過反

吉日篇儻儻俟俟叶于紀反

釋文俟音士又音矣此于紀反卽其第二音也不得

爲叶

庭燎篇夜未艾叶音艾集傳艾盡也

毛傳艾久也鄭箋艾末曰艾以言夜先雜鳴時釋文

音定風雅遺音 卷上

四十四明叢書 約園刊本

艾毛五蓋反鄭音刈蓋鄭以艾末爲喻者猶言艾盡如左傳國未艾也彼註訓爲絕亦音魚廢反今集傳云盡也正取鄭氏之意是艾當音刈可知安得云叶

正月篇視天夢夢音蒙叶莫登反

夢莫紅反又莫滕反

小旻篇或聖或否叶補美反

否方九反一音鄙

大東篇小人所視叶善止反

視本善止反

無將大車篇維塵冥冥叶莫迥反

冥莫庭反又莫迥反

楚茨篇執爨踏踏音積叶七略反

釋文踏七夕反又七略反此所云叶者卽其第二音

也不得云叶

桑扈篇君子樂胥叶思呂反

胥如字又思敍反

頍弁篇施于松上叶時亮反

上本時亮反

釋文風雅遺書卷上

鴛鴦篇福祿綏叶如字又土果反之

釋文綏土果反又如字皆非叶也

角弓篇如酌孔取叶去聲

釋文取如字又音娶

又小人與屬音蜀叶殊遇反

釋文屬讀音亦音樹

又如鬢如髻叶莫侯反集傳鬢南蠻也鬢夷髦也書作髻

毛傳髦夷髦也鄭箋髦西夷別名武王伐紂其等有

八國從焉釋文髦舊音毛尋毛鄭之意當與尙書同

音莫侯反孔疏牧誓曰羌髡彼髡此髡音義同觀此則集傳既用毛鄭之說安得仍以莫侯反爲叶

大雅棫樸篇烝徒楫音接叶之

楫本又音集卽籍入反是也非叶

靈臺篇王在靈囿叶音郁

囿音又又于目反是本有入聲一讀然亦音育不音

郁

文王有聲篇王后維翰叶胡干反

翰胡旦反一音寒

審定風雅音

聖訓

約圖刊本

行葦篇洗爵奠斝音假叶居訝反

斝有假嫁二音此居訝反卽嫁音也

公劉篇陟則在嶽音識叶魚軒反

嶽魚輦反又音彥又音言

又于幽斯館叶古玩反

誤與鄭風緇衣篇同

板篇多將熇熇叶許各反

熇許酷反又許各反此用第二音非叶也

又及爾游衍叶怡戰反

衍本音餘戰反一音延善反

桑柔篇靡國不泯叶彌鄰反

泯音敏又音民

江漢篇天子萬壽叶殖酉反

誤與幽風七月篇同

周頌良耜篇其笠伊糾叶其了反

糾居黝反又其了反

離篇綏我眉壽叶殖酉反

誤與幽風七月篇同

書定風雅述書卷上

皇四明叢書約園刊本

絲衣篇鼐鼎及鼐叶津之反

鼐本津之反音咨

商頌烈祖篇既載清酌叶侯五反

酌本後五反音戶

玄鳥篇何天之龍叶丑勇反集傳龍龍也

釋文龍毛如字鄭讀作寵此既從鄭義安得云叶

又不震不動叶德總反

動本徒總反更不須叶云德總反更非或德字誤

誤叶爲音

邶風靜女篇美人之貽與異同

此殆叶音異耳云與異同誤

鄘風干旄篇何以告音谷之

衛風考槃篇永矢弗告音谷

告如字叶音谷

幽風七月篇八月剝棗音走

棗字無音走者此叶也

小雅正月篇靡人弗勝音升集傳未有不爲天所勝者也

申包胥曰人定則勝天天定亦能勝人疑出於此

齊定風雅遺音 卷上

四國四明叢書

約園刊本

毛傳勝乘也鄭云無人以不勝言凡人所定皆勝王

也釋文勝毛音升鄭尸證反今集傳所言雖與鄭異

其讀則同也不得音升音升者叶耳

大雅生民篇鳥覆翼音之

翼叶音異

又第厥豐草音

草字例叶此苟反今云音苟蓋坊本脫誤

泛云四聲之誤

小雅小旻篇何日斯沮上聲

巧言篇

亂庶遊沮

上聲

沮在呂反泛云上聲世遂誤讀爲阻

無將大車篇維塵雖

上平二聲

兮集傳雖猶敝也

雖於勇反又於用反不得有平聲平聲是辟雖字

采綠篇維魴及鱖

音絃叶音清

絃本上聲象呂反乃又云叶音清蓋亦誤讀絃爲去

聲

大雅靈臺篇於論

平聲

鼓鐘集傳論倫也言得其倫理也

論盧門反今從鄭氏訓爲倫則當音倫釋文力迪反

審定風雅遺音卷上

星五四明叢書

利園刊本

是也不當混云平聲

雲漢篇則不可沮

上聲

誤與小雅召旻篇同

周頌有客篇有萋有且

上聲

集傳萋且未詳傳曰敬順貌

釋文且七序反泛云上聲世遂誤讀子與反

審定風雅遺音卷上

審定風雅遺音卷下

甬上史 榮雪汀撰本

河間紀 昉曉嵐審定

補音

周南關雎篇窈窕淑女淑本殊六反音孰正韻誤音叔

葛覃篇葛之覃兮覃徒南反音擅

卷耳篇寘彼周行寘與置通而音韻有別寘音支義反置音陟吏反

又陟彼崔嵬陟張力反音種凡陟字放此

螽斯篇揖揖集傳分揖子入勸音緝立二反

審定風雅遺音 卷下

又蟄蟄兮蟄尺十反又直立反

兔置篇椽之丁丁椽陟角反音琢

又赴赴武夫赴居西反音九

芣苢篇薄言禛集傳禛禛音絜之禛戶結反音頤

漢廣篇江之泳矣泳于柄反音詠

召南草蟲篇薿薿阜螽薿也歷反音剔

甘棠篇勿剪勿敗敗必邁反又如字

行露篇厭集傳厭於葉反又於立反

殷其雷篇殷其雷雷古雷字

四明叢書 約園刊本

小星篇維參與昴參音森所林反今誤爲所森反

野有死麕篇林有樸樸音僕木反樸與逮通徒

邶風柏舟篇威儀棣棣帝反一音代棣與逮通徒

綠衣篇俾無訛兮凡俾字並必爾反後放此

燕燕篇佇立以泣件直呂反

日月篇畜我不卒凡卒字之訓爲終者並子律反惟卒伍之卒乃子忽反後放此

終風篇不日有曠有本如字今多讀作又

又虺虺其雷虺虛鬼反

凱風篇在浚之下浚蘇俊反音峻

齊定風雅書 卷下

四明叢書 刻圖刊本

谷風篇龜勉同心龜莫尹反惟龜龜字莫耿反

北風篇憂心殷殷殷與慇同於申反又於文反

按殷字六朝人多與文韻字同押唐人多與真詩揆韻字同押說文作於身反蓋孫愐舊讀也此由

一代有一代之音不必強爲同之

又至人交徧謫集傳我徧古遍字謫在音責我革反又知華反

北風篇其虛其邪集傳音徐邪一作徐緩也○釋文邪音餘又音徐爾雅作徐

靜女篇自牧歸荑荑徒分反

新臺篇河水瀾瀾集傳音米○爾莫爾反音彈又莫啟反音米

又燕婉之求燕於典反又於見反

邠風柏舟篇之死矢靡它集傳音拖○它與他同並託何反

牆有茨篇牆有茨資反

君子偕老篇副笄六珈副芳遇反笄音雞

又玼集傳音此今玼兮玼又且禮反

蝮蝮篇蝮蝮集傳音東在東蝮又音東

又朝隲集傳音蕭于西隲與躋同並子分反釋文又子細反

干旄篇子子干旄旄音餘

載馳篇歸唁衛侯唁音彥

又天夫跋涉跋音末反

晉書雅遺音卷下
三四明錄書
約圖刊本

又我思不閔閔悲位反音祕又必冀反

又控于大邦控音貢反

衛風淇奥篇瞻彼淇奥集傳音與郁同○奥於六反大學引作澳

又有匪君子集傳匪斐通○匪芳尾反大學引作斐

又如琢如磨琢音角反磨音莫何反

又充耳琇瑩集傳音營○琇音秀又七九反音秀瑩音榮又音營

考槃篇考槃在澗槃音寒反

又碩人之軸軸音直六反

碩人篇巧笑倩兮美目盼兮倩七薦反盼匹莫反

又朱幘鑣鑣

幘字云反 又音墳

又河水洋洋

洋音羊 又音祥

又庶姜孽孽

孽魚 竭反

氓為氓之蚩蚩

氓莫耕 反音萌

又其葉沃若

沃如字又 於縛反

又無與士耽

耽都 南反

又其黃而隕

隕韻 謹反

又陟其笑矣

陟許意反又音熙 又一音許四反

又隰則有泮

集傳音畔泮漚也高下之判也○毛傳泮 坡也鄭云泮漚也釋文泮毛音判鄭音畔

每定風雅遺音 卷下

四四明讀書

今集傳似 兼用毛說

又總角之宴言笑晏晏

宴於見反 晏鳥諫反

竹竿篇檜楫松舟

檜古會反又古活 反楫子葉反音集

芄蘭篇童子佩鞮

鞮失涉 反音雙

河廣篇跂予望之

跂丘豉反與 企音義同

又曾不容刀

釋文刀如字書作劔 說文作劔並音刀

伯兮篇使我心痲

集傳音妹○釋文痲音每又音 梅爾雅音昧小雅十月篇同

木瓜篇報之以瓊琚

集傳音居○瓊求 榮反琚又音渠

王風君子陽陽篇君子陶陶

陶如字釋 文音遙

揚之水篇不與我戍申

戍東遇反

中谷有蓷篇曠集傳音罕其乾矣曠呼但反又音漢乾古寒反

又慨其嘆矣慨口愛反

又條其欬矣欬與嘯同

兔爰篇尚寐無吣吣五何反音訛

又雉離于聲集傳音衡○蠶昌鐘反又上凶反

大車篇大車檻檻毳衣如茨集傳吐敢反○檻戶覽反茨音毯

又有如噉日集傳音皎○噉與皎同並古了反

鄭風緇衣篇緇衣之蓆兮蓆音席

齊定風雅遺音 卷下

五四明敏書

約圖刊本

羔裘篇羔裘晏兮晏於諫反

遵大路篇摻集傳所覽反執子之祛兮摻又所斬反祛音祗

又不逮集傳音咎故也釋文逮本在敢反

山有扶蘇篇山有扶蘇釋文蘇如字又音疏

又乃見狡童狡古邪反音絞

褊兮篇風其漂女釋文漂匹遙反

褰裳篇褰裳涉溱褰起連反

子衿篇挑兮達兮釋文挑吐刀反

揚之水篇人實廷集傳音誑女釋文廷求往反又居望反

東門之墀篇茹蘆在阪集傳音反○

出其東門篇縞集傳音杲衣綦巾縞古老反

野有蔓草篇邂逅相遇迺音械

又零露漙漙釋文漙如羊

溱洧篇方秉蘭集傳音開兮蘭古顏反音姦廣韻古閑反音開

又贈之以勺藥勺上灼反音芍

齊風還篇並驅從兩肩兮釋文驅本曲遇反

著篇尚之以瓊瑩集傳音榮乎而瑩又音營

東方之日篇在我闔兮闔他達反

畫胤雅遺音卷下

南山篇簞道有蕩釋文蕩徒黨反又他黨反

又蓺麻如之何蓺魚世反

甫田篇無田集傳音佃甫田上田字釋文亦音佃但佃有平去二音而義並同今人皆讀爲甸

甸

又維莠桀桀釋文桀居竭反又居謁反

又勞心怛怛怛且未反

又突而弁兮突本吐活反

盧令篇其人美且偲集傳音鯁偲偲多鬚之貌春秋傳所謂于思于思即此字古通用耳○左傳

才反此音鯁即其西才反也

敝符篇其魚魴鯀

集傳音序○鯀本才呂反今音序則銀呂反

載驅篇載驅薄薄

集傳音柏○薄音各反

又簞苒朱鞞

徒點反苒音拂鞞苦郭反

猗嗟篇巧趨踰兮

趨七須反又七遇反踰七羊反

魏風葛履篇摻摻

集傳音織女手摻所銜反又所

又嬰

集傳音腰之棘之要本說文屨字此謂裳屨毛傳解作嬰是也

又維是禰心

禰必淺反

伐檀篇胡瞻爾庭有縣貍

集傳音貍貍本音桓又音喧

碩鼠篇適彼樂土

土如字他古反釋文又徒古反

卷下

唐風蟋蟀篇良士蹶蹶

蹶俱衛反

山有樞篇弗曳弗婁

曳以世反婁力俱反

又弗酒弗埽

洒色懈反又所埽反埽素報反

又子有廷內

廷音庭又徒佞反

揚之水篇從子于鵠

鵠戶毒反鳥名之鵠亦是此音惟射侯中正鵠乃兼有古毒反

椒聊篇蕃衍盈匊

集傳音菊○匊與掬同九六反

綢繆篇綢繆束躬

躬楚俱反

又見此邂逅

邂逅戶豆反又戶溝反

又見此粲者

粲朵且反字林作嫫

七
荆國刊本

杖杜篇胡不比

集傳馬比鼻並

又獨行畏畏

集傳音畏○畏求營反
與避同○字亦求營反

羔裘篇自我人居居

居又音據

又羔裘豹裘

集傳音袖○裘徐亮反袖本字

鵝羽篇蕭蕭鵝羽

鵝音保

有杖之杜篇曷飲食

集傳之飲於音嗣

葛生篇茲

集傳音廉蔓于野
又力恬反

又夏之日

夏戶駕反音暇

秦風車鄰篇有車鄰鄰

鄰與鄰通栗人反

齊定風雅通書卷下

八四明鏡書

約圖刊本

又逝者其臺

集傳音埜○臺田節反一音天節反

駟賦篇駟賦

集傳音鐵孔阜
賦田節反又吐結反爾雅作鐵

又公之媚子

媚眉莫反

又輶集傳

車鸞鏹
輶由九反又音由

又載獫狁

集傳音獫歇驕
集傳音驕○獫力驗反又力劍反歇通作獨許竭反又火過反驕通作獫

許喬反

小戎篇小戎

伐
集傳音踐收
伐踐並

又陰鞞

集傳音胤鞞續
鞞以忍反又以刃反

又駟驪是驂

驂力知反

又龍盾之合盾食尹反

又竹閉緄滕閉悲位反 通作鞞

黃鳥篇子車奄息車字釋文無音惟左傳文 公六年子車氏釋文音居

又惴惴其慄惴之喘反 慄音栗

又如可贖兮贖食 燭反

又百夫之禦禦魚呂 反音語

晨風篇隰有樹檉檉音 遂

涓陽篇我送舅氏舅其 久反

又悠悠我思釋文思息嗣 反今讀如字

審定風雅遺音 卷下

權輿篇夏屋渠渠夏戶 雅反

又每食四簋簋音 軌

陳風宛丘篇值集傳 音治其鷺羽值直置反 鷺音路

又植其鷺翻集傳音導 翻又音陶

衡門篇豈其取集傳取與 音交妻 娶同

東門之池篇可以漚紵集傳音孚 紵音直 呂反本與苧同

東門之楊篇其葉肺肺集傳音濡 肺音 貝反又蒲貝反

又有鶉萃止釋文凡鶉字並于鶉反 唯此云戶鶉反未詳

防有鵲巢篇防有鵲巢防音 房

月出篇佼音絞人儵音了兮佼與姣同古卯反

又舒筍音杳糾兮窈烏了反

又佼人燎音料兮燎力召反

株林篇從夏上夏戶南雅反

澤陂篇彼澤之陂陂被皮反

又涕泗滂沱滂普光反

又中心悵悵悵傳音娟○悵娟並烏懸反

又有蒲菡萏菡戶咸反字亦作萏菴徒感反

檜風素冠篇我心蘊上蘊聲結兮蘊紆粉反

審定風雅遺書 卷下

匪風篇匪風飄兮釋文飄避遙反

又誰能享魚亨通作烹普庚反

曹風蜉蝣篇蜉蝣之羽蜉音浮蝣音游

侯人篇何戈與祲集傳都律都外二反○祲本都外反又都律反

又三百赤芾集傳音弗芾通作載

鴈鳩篇鴈鳩在桑鴈音尸字亦或作尸

又其子在榛榛側巾反木名也又仕巾反木叢生也今皆讀側巾反

下泉篇浸彼苞稂集傳音郎○稂又音良

又愾集傳音苦我寤嘆愾又火既反

關風七月篇三之日于耜耜音似

又女執懿筐懿乙翼反

又采芣苢芣巨反

又曰為改歲為于偽反

又八月斷壺斷徒管反

又九月叔苴集傳音疽苴七于反

又上入執宮功上時掌反

又宵爾索綯索蘇各反

又二之日鑿冰沖沖沖直弓反

書定風雅遺書卷下

又三之日納于凌集傳陰凌又音另

鳴鴉篇鳴鴉鴉鴉鴉尺之反鴉于驕反傳本訓鴉鴉今集傳云鳴鴉鴉鴉惡鳥攫鳥子而食

者是以鳴鴉為鴉鴉又似指臬鳥言不知讀鴉為何音臬本音澆而魯頌泮水篇鴉字乃音臬

又予手拮据集傳拮又音吉据音結

又予所蓄租蓄勅六反

東山篇蜎蜎集傳音娟者蠋烏懸反

又鷓鴣于垤鷓古玩反垤田節反

狼跋篇狼跋其胡跋本博末反又蒲末反

又載戔其尾集傳音致戔陟值反又張四反

十二四明叢書約圖刊本

小雅四牧篇翩翩者雛

集傳音佳○雛與佳同之誰反音雛

載駮駮駮

集傳音侵○駮楚金反又七林反

皇皇者華篇周爰咨諏

咨與諮同諏子須反

又我馬維駱六轡沃

集傳烏毒反若駱音洛沃又於縛反

常棣篇常棣之華鄂

集傳五各反不韡韡集傳音偉○棣大計反鄂音誇韡韡

鬼反

又死喪之威

喪亂既平亦同

又脊

集傳音積令音零脊在原兄弟急難脊并益反字亦作鴛令亦作鴝難如字又

乃旦反

雷定風雅遺音 卷下

十四明箴書

又外禦其務

集傳音侮有外侮則同心禦之矣○務毛傳訓為侮釋文務如字又音侮者是依左

傳讀之今集傳直言外侮蓋讀為侮耳左傳僖公二十四年富辰引此詩作侮國語亦然

又樂爾妻帑

集傳音奴○帑與孛通

伐木篇釃酒有藇

集傳音序○藇徐呂反又羊汝反

又有酒湑

集傳音思汝反上聲我與醕同

天保篇罄無不宜

罄苦定反音罄

又吉蠲為饋

集傳音熾○饋熾並尺志反

出車篇胡不旆旆

旆蒲貝反

杕杜篇有皖其實

皖莞並音莞華板反

約園刊本

南山有臺篇南山有臺臺如字爾雅作臺

又北山有棟集傳音庚○棟以主反又音俞

蓼蕭篇零露濃濃集傳音農○釋文濃如同反又女容反

又倅革冲冲集傳音蟲○冲直弓反又勅弓反

采芑篇薄言采芑集傳音起○芑又求己反

又采芾集傳音弗斯皇芾與紱同數勿反

又如霆如雷霆音廷一音挺又音定

車攻篇選徒騶騶集傳音駒○騶五刀反又許驕反

又決拾既飲集傳音次○仗七四反又于利反

晉定風雅遺音卷下

十三四明鼓書

約園刊本

吉日篇吉日維戊戊音茂

又其祁孔有祁巨私反又上之反

又既挾我矢挾子洽反又子協反又如字

鴻鴈篇肅肅其羽肅所六反字亦作歛

又哀鳴嗷嗷集傳音翱○嗷五刀反與磬同

庭燎篇庭燎之光燎力照反又力燒反

又庭燎晰晰集傳音制○晰之世反與哲同

又鸞聲噦噦集傳音譁○噦呼穢反音翹又許惠反音譁

河水篇歛集傳音惟必反彼飛隼隼音穴隼息尹反

又不可弭忘弭彌氏反

斯千篇如跂集傳音企斯翼集傳跂竦立也

又下莞集傳音官上簟莞又九還反簟徒檢反

又其泣嗶嗶集傳音橫嗶華彭反又呼彭反

無羊篇其角皦皦集傳音戢皦戢並莊立反

又室家溱溱溱側巾反

節南山節集傳音截彼南山節在節反又音截

又何用不監集傳平聲釋文於此亦但云右衛反然監視之監本去聲工暫反而爾雅監視也

計引此詩釋文云監音鑑又工杉反是則兼有平聲一音此句當如爾雅並列兩音為是不當但云平聲

楚風雅遺音 卷下 十四 四明叢書 約園刊本

又天方薦瘵集傳音荐瘵薦讚與荐同在見反瘵才何反

又瑣瑣姻亞瑣素火反亞於嫁反俗作姪

又蹙蹙集傳音蹙靡所騁蹙音送並勅領反騁送並勅領反

正月篇癩集傳音鼠憂以痒癩鼠並賞呂反音暑

又憂心愈愈愈羊主反

又胡俾我瘳集傳音庚瘳○瘳羊朱反又羊主反

又憂心惇惇集傳音癸惇○惇與癸同其營反

又不敢不局局其欲反通作踟

又瞻彼阪集傳音反田有苑集傳音鬱其特阪又扶阪反苑又於阮反

又天之抗集傳我抗五忽反

十月之交篇山豕萃崩豕知勇反
萃祖恤反

又番維司徒番方袁反
又甫言反

又尊集傳沓集傳背憎尊博並于損反
徒合反通作嗜

又亦孔之痲集傳音妹○痲
莫背反又音梅

雨無正篇匪舌是出
尺遂反音霽
集傳音脆○出

小旻篇是用不潰于成
潰戶對反

小宛篇哀我填
音鎮
集傳與瘕同病也○填釋
文本徒典反今讀與瘕同

小弁篇嗚啞嘒嘒
惠反

審定盧雅遺書 卷下 五十四册 續書 約園刊本

又譬彼壞集傳木壞胡罪反
文作癭音同

巧言篇亂是用斂
集傳音談○
斂又音炎

又予忖度之忖七
損反

又心焉數之數所
主反

何人斯篇以詛
集傳側
爾斯
詛又側
慮反

又為鬼為蜮集傳音域○蜮
音或又音域

巷伯篇哆
集傳昌
兮侈兮
哆又昌可尺紙二反
侈尺是反又式是反

又緝緝翩翩緝七入反
說文
作聿又子立反

又捷捷翩翩捷如字
又音妾

又猗

集傳音倚

于畝丘

猗於綺反又於宜反

谷風篇無木不萎

萎於危反

大東篇有球

集傳音求

棘匕

棘音蚪又其牛反

又睽

集傳音眷

言顧之澗

集傳音山

焉出涕

集傳音澗○睽通作眷澗所姦反又所晏

反

又杼

集傳音佇

袖

集傳音逐

其空

杼直呂反袖通作軸

又佻佻

集傳音挑

公子

佻徒彫反又音桃

又哀我憚

集傳音憚

人

憚又音旦

又鞞鞞

集傳音珣

佩璲

鞞通作珣並胡犬反

齊定風雅遺書

卷下

十六四明藏書約園刊本

又跂彼織女

跂丘政反又丘婢反

又不可以簸

集傳音波

揚

簸又波佐反

又西柄之揭

集傳音許

○揭居揭反又起謁反

四月篇百卉具腓

卉許貴反腓房非反

無將大車篇不出于頰

集傳音耿

○頰古迥反又音古頃反

小明篇日月方輿

集傳音郁

○輿於六反與煥通

鼓鐘篇憂心且妯

集傳音抽

○妯勑留反又直留反

楚茨篇楚楚者茨言抽其棘

茨徐咨反抽勑留反又直留反

又我庚維億

庚以主反

又以妥以侑

妥湯果反

又絮爾牛羊

絮與潔同

又苾苾芬孝祀

苾蒲茂反又蒲必反芬孚云反

信南山篇雨雪雰雰

雰芳云反

又既優既渥

優音夏說文作溲渥烏學反

甫田篇或耘或耔黍稷薿薿

集傳音蟻○耘音云又音遷薿魚起反又魚力反

大田篇以我覃耜

集傳覃以冉反音刺耜又以廉反

又既方既皂

皂才老反

又及其蝨賊

蝨莫侯反

晉定風雅遺音 卷下

十七 四明叢書 粉園刊本

又秉畀炎火

炎于沾反又于凡反

又此有不斂穧

斂力檢反

又此有滯穗

穗音遂

瞻彼洛矣篇韎韐有奭

集傳韎音昧韐音閣有奭集傳音施○韎又莫界反韐又古洽反奭

許力反

又鞞琫有珌

集傳鞞音頂反琫音奉有珌集傳音必○鞞字又作琫琫必孔反又作琫琫實一反

裳裳者華篇芸其黃矣

芸音云又音運

桑扈篇有鶯其羽

鶯於耕反

鴛鴦篇鴛鴦于飛

鴛於袁反又音愠鴛於岡反又於良反

又摧

集傳音到

之秣之

摧通作莖宋附反

頰弁

集傳音鞋

者弁

頰鞋並丘弭反

又薦

集傳音鳥

與女蘿

薦鳥並丁了反音貂上聲薦又音叩世俗相沿讀鳥爲婁遂并薦失之

車牽篇閒闕車之牽兮

牽胡瞎反

又析其柞

集傳音昨

薪

柞釋文音子格反

賓之初筵篇

殺核維旅

核戶革反

又以祁爾爵

凡祁字釋文並音旂唯此獨音期蓋作期望字讀也今集傳訓求仍音旂

又各奏爾能

釋文能如字又奴代反又奴來反

又三爵不識

識音志

卷下

十八四明叢書

約園刊本

采菽篇玄裘及黼

集傳音甫

黼

音斧又音補

又厥沸檻

集傳初泉檻又下

又邪囂在下

邪似曉反

又維柞之枝

柞子洛反

又天子葵之

葵具維反

角弓篇駢駢

集傳音解

角弓

駢解並息營反又火營火全二反

又如食宜飴

集傳音飴

○飴於

又毋教猱升木

猱乃刀反

又雨雪漙漙

集傳音標

○漙漙

漙漙駢反又彼苗反

苑柳篇無自暱焉暱女栗反又女筆反又乃吉反

都人士篇充耳琇集傳琇又音秀實音誘

又卷髮如蠶集傳音瘞○蠶勅邁反又勅界反

采綠篇終朝采藍藍盧談反又力甘反

又言韞集傳音蠲其弓韞尺亮反又治亮反

白華篇漉集傳符彪反池北流漉又皮流反

又印烘于熤集傳音忱○熤火東反又音洪又巨凶反一音恭

漸漸之石篇集傳音曉漸漸通作嶄士衛反又時衛反

茗之華篇茗集傳音條之華芸集傳音云其黃矣茗又音韶芸又音運

審定風雅書 卷下 十九 四明叢書 繪圖刊本

何草不黃篇何人不矜集傳音羆○矜通作驪古頑反

大雅文王篇其麗不億麗力計反又力知反

又常服黼辱集傳音許○辱況甫反又許于反

又無聲無臭臭尺救反

大明篇使不挾集傳子變反四方挾又子協反

又在洽之陽洽戶夾反一音庚合反

又俛集傳牽遍反天之妹俛又下顯反

又維子侯興子羊閭反

縣篇集傳音俱之唼唼集傳音仍○抹又音鳩唼耳升反又如之反

又度之薨薨

薨呼弘反 又呼萌反

又削屢馮馮

屢力注反 又力朱反

又廼立應門

釋文凡應字平聲者皆不加音切此應門及爾雅書康王之誥禮明堂位諸書皆無

音是作平聲可知

又行道兌

集傳吐外反

矣 兌吐外反 又徒外反

棧樸篇芄芄

集傳音域

樸 集傳音卜 樸音卜 又音僕 樸音卜 又音僕

又左右越之

越七喻反

旱麓篇瑟彼玉瓚

集傳才旱反

瓚 又才旦反

又民所療矣

療力召反 又力弔反

審慮進審 卷下

思齊篇以御

集傳音送

于家邦 御通作迂 牙嫁反

皇矣篇其蔭

集傳音緇

其翳 苗側吏反 又音緇

又其灌其柶

集傳音例 柶音列

又啟之辟

集傳音闕

之其檜其梠

集傳音居 亦反 檜赤貞反 梠本羌居

反又紀庶反又音舉惟說文音居

又無然畔援

集傳音院 願反今于眷反 援于

又度其鮮原

集傳鮮善也 鄭云鮮善也釋文 鮮悉淺反又音仙今當從仙音

又不長夏以革

集傳夏革未詳 長夏二字依註疏則長字張丈反訓長大夏字戶假反訓諸

夏集傳雖無明說亦不當任意讀也

又以爾鉤援

釋文鉤古候反又古侯反

又是類是禡

類字爾雅作禡音同

文王有聲篇

築城伊洑 集傳音洑○洑洑並況域反域卽洑也音義皆同

生民篇

不圻不副 集傳音劈○副披逼反又匹亦反

又誕實匍

集傳匍又音扶匍音蒲匍北反又音敷

又克岐克嶷

嶷魚極反音逆

又荏菽旆旆

旆蒲貝反

又糞種實

集傳叶徐久反○註疏糞余秀反音狄釋文原本作徐秀反未知孰是似徐秀反爲

富觀叶音亦可見

審定風雅遺書 卷下

王四明跋書 約園刊本

又恒

集傳音亘 之桓桓 恒讀作亘古鄧反今亘字詁爲亘

又或春或掄

集傳音由○春書容反掄又以朱反

又釋之叟叟

集傳音搜 烝之浮浮 叟所留反爾雅作蚤音同浮爾雅說文並作焮

行葦篇

四銜 集傳音侯 既鈞 銜本音侯又音侯

又既挾

集傳子 四銜 挾又子協反

又酒醴維醕

集傳音乳○醕如主反又女父反

又黃考台背

台音胎 又音臺

既醉篇

令終有俶 集傳尺六反○俶本尺叔反說文用尺六反

鳧鷖篇

鳧鷖在淵 集傳音叢○淵在公反又在容反

公劉篇迺積迺倉

積子智反

又思輯

集傳音集

用光輯又七入反

又復降在原

復音服又扶又反

又徹田爲糧

徹直列反又說文丑列反

又取厲取鍛

集傳丁亂反○厲與礪通釋文鍛與鍛通銀石也今集傳訓爲鐵

又邈其過淵

邈音素

又芮鞠之卽

芮與納通如稅反音蚘

洞酌篇洞

集傳音迴

酌彼行潦

洞與迺同二字並戶頂反音形上聲

卷阿篇爾土字販

集傳符販反

章爾雅釋文販蒲板反與此符版反同

審定風雅審卷下

三四明鏡書

約園刊本

又藹藹王多吉士

藹於害反音愛

又萃萃

集傳音萃

萋萋

萃必孔反又薄孔反又音蓬

民勞篇以謹繡綵

繡音造綵起阮反

板篇民之方殿屎

集傳音穢○殿都練反又音垢屎許伊反又香惟反

又价人維藩

藩籬字唯字元者音番

薄篇時無背

集傳音貝

無側

背布內反又蒲妹反

又顛沛之揭

沛音貝

抑篇白圭之玷

集傳音點○玷丁尊反又丁念反

又言緡之絲

緡密巾反音民

柔柔篇其下侯句又音荷

又多我觀瘡集傳音民○釋文本作瘡密巾反又音昏

又拜音崇云不逮拜音耕反又補耕反

又貪人敗類敗本補

又既之陰去聲女反予來赫陰音蔭與蔭通赫呼白反釋文云鄭許嫁反

又職涼善背背音佩下章覆背善背同

雲漢篇饑饉薦集傳音荐臻饑音飢又音機饉其靳反薦音荐並在見反音游也

又蘊隆蟲蟲蘊於粉反蟲如字直忠反又徒冬反

又耗斲音姪下土斲通作殫丁故反

審定風雅審音卷下

三四明鏡書

又蕘兢業業蕘居陵反音矜業如字又五答反

又胡寧瘕音顛我以旱瘕都田反又都溝反

又云如何里里如字亦作廕爾雅作悝並同

又有嘒音嘒其星字並呼惠反

崧高篇四國于蕃蕃方元反音翻與蕃同

又旣成藐藐藐莫角反

又四牡踣踣踣其略反

又王饒音賤于鄙饒賤淺反又祖見反一音賤

又揉音汝此萬邦揉又音柔

烝民篇柔則茹集傳音汝茹又如庶反

又德輶集傳音酉如毛輶餘久反又音由

韓奕篇鞞集傳音廓鞞淺憐集傳音覓。鞞苦郭反鞞本苦滋反又音泓今並胡肱反憐莫

歷反一音帳

又魚集傳音庖鼈鮮魚魚薄交反又甫九反

又其追其貊追如字又都同反

江漢篇江漢之滸集傳音虎滸又音許

又來旬來宣又音旬又音荀

又釐爾圭瓚集傳才旱反。瓚又才旦反

齊風雅歌卷下

常武篇徐方繹騷騷素刀反又音蕭

又闕集傳音噉如虢集傳音哮虎闕呼檻反又火斷反虢火交反

又鋪平聲敦淮瀆鋪音吳反又音孚

又仍執醜虜虜音鹵

又截彼淮浦截才結反

瞻卬篇瞻卬集傳音仰昊大卬通仰

又颯沸檻集傳音胡泉檻又下斬反

召旻篇曾不知其玷集傳音店。玷丁實反又音店

又我位孔貶貶破檢反

周頌維清篇肇禋肇釋文也處並音兆惟此音召

執競篇鐘鼓喤喤集傳音橫○喤華彭反又音皇

又磬筦集傳將將筦與音管同

又威儀反反釋文反如字又符板反又音販

思文篇貽我來牟牟與同

振鷺篇振鷺于飛鷺音路一音盧

豐年篇豐年多黍多稌集傳音杜○稌又款古反音吐

有瞽篇應田縣鼓應音應田如字縣通作懸

又鞀集傳音語○鞀與鞀同音桃 祝集傳尺 圉集傳音語○鞀與鞀同祝音倣圉尙書作鞀同

通定風雅樂書卷下 三五 四明叢書 約園刊本

有客篇敦集傳音推 琢其旅敦又音彫

閔予小子篇嬖嬖集傳音榮 在疚嬖與莢同其管反

敬之篇佛集傳音佛 時仔肩佛通作佛

載芟篇載芟載柞集傳音窄○芟所銜反柞側伯反

又其耕澤澤集傳音釋○澤爾雅作郝並音釋

又祖隰徂畛集傳音真○畛之忍反又音眞

又有略其耜略爾雅作耜音同

又實函斯活函戶南反音含

又驛驛其達有厭其傑驛音亦爾雅作釋厭於豔反

良耜篇其饗

亮反

伊黍式亮反

又其縛斯趙

集傳直了反○釋文趙徒了反刺也又如字沈起了反又徒少反

絲衣篇載弁俅俅

載如字又音戴

又蕭

集傳音奈

鼎及蕭鼎乃代反又音乃

魯頌駒篇駒駒

音局

牡馬在坳

音局

之野

駒古榮反坳古榮反又苦

反營

又有驕

集傳音聿

有皇

驕戶橋反又餘橋反

又有驪

集傳音離

有黃

驪力知反又音黎

又有騅

集傳音佳

有駉

集傳音不○騅職誰反駉符悲反又音不

審定風雅遺書

卷下

三十四明蔽書

約園刊本

又以車伾伾

伾音伾伾音伾

有駉篇鼓咽咽

集傳音淵○咽烏懸反字又作饗

又駉彼乘駟

集傳音絢○駟火懸反又火懸反

泮水篇其馬躑躑

躑音躑

又矯矯虎臣

矯通作踞古表反

又食我桑黓

集傳音甚○黓與甚通時審反

又憬

音耿

彼淮夷

憬九永反又孔永反

闕宮篇闕

音祕

宮有恤

集傳音恤○闕悲位反恤恤並況域反

又夏而福衡

福音福

又白牡辟剛

公羊傳作剛

又犧尊將將

犧本音莎集傳用王肅之說音許宜反

又貝冑朱紱

集傳音織。紱音廉反又音侵

又黃髮兒齒

兒音倪爾雅作齒同一音如字

又松栢有烏

烏音昔又音訖

商頌玄鳥篇

大禧集傳音熾是承禧與禧同尺志反

長發篇幅隕

集傳音員既長隕讀作員音圓

又有娥

集傳音菘方將娥菘並音嵩

殷武篇勿予禍適

集傳音謫。適讀作適直革反又張革反註謫同

聖定風雅遺音卷下

毛四明叢書約函刊本

又方斲是虔

虔其連反爾雅作椹

京本音切考異

小雅祈父篇靡所底

集傳音抵止京本底之履反音抵。字當作底

正月篇胡爲虺蜴

集傳音易京本蜴星歷反

小旻篇伊于胡底

集傳音抵京本底之履反。字當作底

巷伯篇捷捷幡幡

京本幡音煩。惟此條可疑然集韻亦有是音

楚茨篇我孔熯

集傳音善矣。而善反

頍弁篇有頍

集傳音陟者弁京本頍缺婢反

大雅抑篇我心慘慘

集傳音燥叶七各反京本慘當作燥。此必朱子之舊也

桑柔篇倉兄填兮

京本填舊說古填字

商頌長發篇則莫我敢曷

曷傳音過京本曷漢書作過此可見集傳所云曷過通

之由

俗音訂誤

周南關雎篇在河之洲

在昨舉反

又悠哉悠哉

悠以周反音由

葛覃篇施于中谷

于雲俱反

又維葉萋萋

維以追反

又黃鳥于飛

鳥丁了反

審定風雅遺書

卷下

三民四明叢書

約園刊本

又言告師氏

言魚軒反

卷耳篇采采卷耳

耳而止反

又維以不永懷

永于懷反

樛本篇福履成之

成時征反

益斯篇宜爾子孫

爾兒氏反

又繩繩兮

繩食陵反

兔置篇公侯干城

城時征反

汝墳篇遵彼汝墳

遵將倫反

又魴魚鱗尾

魚語居反

又父母孔遷

遷見氏反

召南采蘋篇宗室牖下

牖音酉

甘棠篇勿剪勿伐

勿音物

行露篇誰謂雀無角

雀音爵

又誰謂鼠無牙

鼠音賞 豈反音暑 牙五加反

野有死麕篇野有死麕

野羊者反

又吉士誘之

誘音酉

邶風柏舟篇汎彼柏舟

汎數劍反

燕燕篇泣涕如雨

涕音體

卷下

擊鼓篇踊踊用兵

踴音踴 又音勇

旄丘篇靡所與同

靡莫彼反

簡兮篇執轡如沮

轡悲位反音祕

泉水篇遂及伯姊

姊將似反

鄘風定之方中篇揆之以日

揆其癸反

衛風氓篇體無咎言

咎其九反

木瓜篇報之以瓊琚

瓊求營反

王風君子于役篇君子于役

役營隻反

鄭風子衿篇縱我不往

往羽枉反

野有蔓草篇野有蔓草

蔓音萬

又清揚婉兮

婉於阮反音宛

齊風雞鳴篇蒼蠅之聲

蠅餘繩反

又無庶子子憎

憎音增

著篇俟我于著乎而

而如之反

南山篇葛屨五兩

屨九具反音俱去聲

魏風伐檀篇坎坎伐輪兮

輪音倫

秦風蒹葭篇宛在水中央

宛於阮反

陳風防有鵲巢篇防有鵲巢

防音房

警風雅書卷下

子四明叢書

約園刊本

幽風鴟鴞篇或敢侮予

集傳叶演女反。予字本平聲故云叶

小雅出車篇卉

集傳音諱木蓂止卉許貴反

六月篇既多受祉

祉音恥

吉日篇悉率左右

悉息七反

斯干篇維熊維羆

集傳音碑。羆彼為反

節南山篇降此大戾

戾音麗

又蹙蹙靡所騁

集傳音逞。騁逞並勅領反

正月篇又窘陰雨

窘求隕反

十月之交篇山冢萃崩

冢知勇反

巧言篇無拳無勇

勇余腫反

四月篇匪鴟匪鳶

集傳音治。鳥與專反。

小明篇政事愈蹙

蹙傳音蹙。蹙于六反。

楚茨篇小大稽首

稽音啟

賓之初筵篇錫爾純嘏

嘏古雅。又音假。

大雅文王篇無聲無臭

臭尺救反

假樂篇率由羣匹

匹普滅反

生民篇上帝居歆

歆許金反

又_{集傳音懈}不解

于位。解通作懈。二字並佳。賣反。

審定風雅遺音 卷下

三四明殿書

約圖刊本

抑篇愼爾出話

話戶快反

桑柔篇具禍以燼

燼才刃反音蓋

召旻篇我位孔貶

貶被檢反

周頌載芟篇有椒其馨

馨呼庭反

商頌那篇執事有恪

恪若各反

經文誤字

召南何彼穠矣篇何彼穠

音濃矣。集傳穠盛也。猶曰戎戎也。

也

穠字舊本作禮。毛傳云禮猶戎戎也。釋文禮如容反。

說文云衣厚貌今經文不知何時遂改作穠然集傳
尚仍毛氏戎戎之說則當朱子時猶是穠字可知若
果是穠字則二者音各不同當時必不復云猶戎戎
矣

小雅我行其野篇成不以富集傳雖實不以彼之富
此與許疏並是成字而論語引之作誠觀詩疏所云
誠不以是而得富集傳亦以實字代誠字是作成者
誤也

商頌玄鳥篇來格祈祈集傳祈祈眾多貌

舊唐書雅言卷下

三四册故書

字本作祁巨移反鄭云祁祁眾多也爾風七月篇采
芣祁祁傳亦訓為眾多此作祈不知所本祈祈字恐
未見有云眾多者可見原本是祁字也

集傳誤字

王風伯兮篇誰適為容集傳傳曰女為悅己容

悅己字下恐誤脫者字

采芣篇彼采蕭兮集傳蕭荻也白葉莖麤科生有香氣
荻非蕭類亦安得有香氣此必萩字之譌今爾雅釋
文並相沿為荻惟釋文是萩字可考

唐風葛生篇藪蔓于域集傳域埜域也

塋當爲營

秦風蒹葭篇宛在水中坻集傳水渚曰坻

坻本訓小渚此水渚必小渚字之誤

小雅四牡篇翩翩者離集傳離夫不也今浮鳩也

駢音浮今多訛作駢

麥蕭篇和鸞雛集傳和鸞皆鈴也在軾曰和在鏤曰鸞皆諸侯車馬之飾也

秦風駟鐵篇韜車鸞鏤集傳云驅逆之車置鸞於馬

秦風雅遺音 卷下

三三四明叢書 約圖刊本

銜之兩旁乘車則鸞在衡和在軾也今此詩正指乘車則鸞當在衡恐鏤字是衡字之誤

采芑篇薄言采芑集傳即今苦蕒菜

蕒音買今多訛作賣

正月篇靡人弗勝集傳申包胥曰人定則勝天

定字今誤作眾

小弁篇弁彼讐斯集傳江東呼爲鷓鴣

鷓音匹字從卑旁此本爾雅註文今誤作鷓

巧言篇君子信盜集傳君子不能壑讒

塋字是塋字之訛塋在力反疾也

集傳偶考

鄘風桑中篇美孟弋矣集傳弋春秋或作妣蓋杞女夏后氏之後亦貴族也

公羊傳襄公四年經夫人弋氏釋文弋莒女也左傳作妣氏又穀梁傳定公十五年經弋氏左傳亦作妣氏

王風葛藟篇亦莫我有集傳有識有也春秋傳曰不有寡君

審定風雅遺書

卷下

三四四明叢書

約園刊本

此左傳昭公二十年彼註云有親有也

秦風終南篇敝衣縠裳集傳敝之狀亞兩己相戾也

亞玉篇敷勿反與敝音同晉書輿服志亦有此字

小雅庭燎篇庭燎之光集傳庭燎大燭也諸侯將朝則司烜以物百枚并而束之設于門內也

周禮秋官司烜註云烜讀爲燬釋文音毀

楚茨篇如幾如式集傳幾期也春秋傳曰易幾而哭是也

此左傳定公元年文又引少牢嘏辭云云云按儀禮

少牢饋食禮註來讀曰釐釐賜也釋文女音汝來依註音釐力之反賜也劉音釐亦音賚力代反亦訓賜也

甫田篇或云或耔集傳耘除草也耔雖本也蓋后稷爲田一畝三畝廣尺深尺而播種於其中苗葉以上稍耨壟草因遺其土以附苗根壟盡畎平則根深而能風與旱也

后稷以下皆漢書食貨志文本言耨耔之事者能與耐通

儀禮風雅音

卷下

五十四明齋書

約園刊本

大雅縣篇爰契我龜集傳契所以然火而灼龜者也儀禮所謂楚焯是也或曰契以刀刻龜甲欲鑽之處也

儀禮士喪禮楚焯置于燠在龜東註楚荆也荆焯所以鑽灼龜者釋文焯存悶反劉吐敦反又徒敦反又

音純

行葦篇四鍤既鈞集傳鈞參亭也謂參分之一在前二在後三訂之而平者前有鐵重也

參亭之參七南反下參分之參與三同訂音亭又音丁去聲毛傳云鍤矢參亭疏云參傳謂三分矢一在

前二在後輕重鈞停冬官矢人爲鏃矢註云二訂之而平者前有鐵重也

又序賓以賢集傳賢射多中也投壺曰某賢於某若干純

此禮記投壺篇文純音全

桑柔篇具贅卒荒集傳贅屬也春秋傳曰君若綴旒然與此贅同

毛傳贅屬也釋文贅之芮反又拙稅反疏贅猶綴也謂繫綴而屬之襄十六年公羊傳曰君若綴旒然是

雷定風雅雜書

卷下

字六十四明藏書

一約園刊本

贅綴同也

又旣之陰女反予來赫集傳陰覆也赫威怒之貌張子曰陰往密告於女反謂我來恐動也亦通

釋文赫許白反鄭氏讀許嫁反此所引張子之說卽鄭氏許嫁反之意也

雲漢篇云如何里集傳里憂也與漢書無俚之俚同聊賴之意也

漢書是季布傳贊但憂與聊賴意稍別蓋兩說也

周頌維天之命篇假以溢我我其收之集傳何之爲假

聲之轉也恤之爲溢字之訛也收受也

左傳襄公二十七年君子曰何以恤我我其收之向
戍之謂乎註以此二語爲逸詩蓋以假溢二字之殊
故云然但集傳據彼爲說當先云假以溢我左傳作
何以恤我然後曰何之爲假云云方使人知其說之
所自恐此亦不能無闕誤

雖篇既右音又烈考亦右文母集傳右尊也周禮所謂享
右祭祀是也

周禮春官大祝辨九擗以享右祭祀註云右讀爲侑

舊定羸雅遺書 卷下

三毛 四明叢書

初編刊本

侑勸尸食而拜釋文右音又疏云此九拜不專指祭
祀而以祭祀結之者祭祀事重故舉以言之是周禮
右字本讀爲侑謂勸侑也而集傳引之者蓋朱子自
解彼右字爲尊而不用其註耳至於右之訓尊者我
將時邁凡再見皆未嘗有音也

俗書相沿之誤

召南羔羊篇素絲五紞

絲本從兩系今人無不作系旁系者自古未有此字
也

騶虞篇壹發五狝

發字上從夂今皆誤作發

燕燕篇以勗寡人

勗字本作冒旁今作勗亦當從目不從且

匏有苦葉篇濟有深涉

深本從突今皆誤作深

泉水篇載脂載聲

輦字上從半下從平蓋以舛字析置於上下韋字亦

然今則從士從牛殆不成字

齊定風雅遺音 卷下

三十四明鏡書 約園刊本

北門篇終窶且貧

窶下婁字上從串今皆誤作婁凡婁屢屢字皆由此

推之

衛風碩人篇美目盼兮

盼字從目旁分匹覓反今皆誤從兮

唐風山有樞篇子有鐘鼓弗鼓弗考

說文鐘鼓之鼓旁從支考擊之鼓旁從支二字有別

今並混寫

揚之水篇白石粼粼

鄰本從々今誤作鄰

搗羽篇肅肅鵠羽

鵠旁從阜今誤作鵠

又父母何嘗

字本作嘗諸經並無作此嘗字者

小雅采芑篇簠蕝魚服

蕝字今誤從竹

又約軹

音軹錯衡

軹祁支反旁從氏今誤從氏

雷定風雅遺書卷下

鶴鳴篇其下維穀

穀工木反下從木今誤從禾作穀黃鳥篇無集于穀

亦然

我行其野篇亦祗音支以異

祗從示旁氏今誤從氏

小弁篇析薪柶

音修

矣集傳柶隨其理也

柶本作拖從手旁音勅氏反不知何時訛作柶玉篇

作柶或以是歟

巧言篇昊天泰嶮集傳嶮大也

幪本作幪火吳反旁從心今爾雅註引此詩亦作幪
恐皆相沿之誤或者二字古通也

又旣微且燠

市勇反

字本從允俗從尤作燠今又訛從九

何人斯篇祇

音支

攪我心

祇今誤作祇

又俾我祇也

祇祁支反從氏旁今亦誤作祇

鴛鴦篇乘馬在廐

齊定風雅遺音卷下

四十四明叢書

約園刊本

字本從段作廐

大雅縣篇堇

音謹

茶如飴集傳堇烏頭也

此字當作堇上從廿頭與堇字有別堇上從廿音勤

棫樸篇溲彼涇舟

溲音睥旁從畀今誤作溲

公劉篇執豕于牢

註疏本作搏音博

蕩篇內吳

音避

于中國

字上從三橫目今誤作吳

抑篇荏染柔木

染字上從彡從九今誤作從彡從九

周頌臣工篇痔音峙乃錢鏹

註疏及經典釋文竝作痔尙書爾雅則作峙未見有

作痔者

魯頌泮水篇其旂苒苒音旆

苒字上從艸今誤作苒又誤爲苒

閔宮篇淮夷蠻貊

貊字莫伯反旁從白今誤作貊

審定風雅遺音 卷下

四明叢書 約園刊本

殷武篇采面規反入其阻

采下從米今誤作采

又松栢有槌丑連反

槌多誤爲槌又誤丑連爲五連

審定風雅遺音卷下

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本